



Захирлын 2022 оны 01/22 тоот тушаалын хавсралт

**НИЙГЭМ, СЭТГЭЛ СУДЛАЛЫН ДЭЭД СУРГУУЛЬД**  
**2022-2023 ОНЫ ХИЧЭЭЛИЙН ЖИЛД**  
**ОЮУТАН ЭЛСҮҮЛЭХ ЖУРАМ**

**Нэг. ЕРӨНХИЙ ЗҮЙЛ**

- 1.1. Нийгэм, сэтгэл судлалын дээд сургуулийн /цаашид НССДС гэнэ/ бакалаврын үндсэн болон цагийн хөтөлбөрт оюутан элсүүлэхэд энэхүү журмыг баримтлах бөгөөд БШУ-ны сайдын 2013 оны А/79 тоот тушаал, 2022 оны А/138 тоот тушаал, НССДС-ийн Бакалаврын сургалтын журамд нийцсэн байна.
- 1.2. 2022-2023 оны хичээлийн жилд НССДС-д оюутан элсүүлэх хяналтын тоог хөдөлмөрийн зах зээлийн эрэлт хэрэгцээ, сургуулийн материаллаг бааз, багшлах бүрэлдэхүүний нөөц хангамж зэрэгт үндэслэн сургуулийн Удирдах зөвлөл тогтооно.
- 1.3. Элсэлтийн комиссыг захирлын тушаалаар байгуулж ажиллуулна.
- 1.4. Элсэлтийн журам, элсэлтийн ерөнхий шалгалт /ЭЕШ/-ын оноог тооцох болон холбогдох бусад мэдээллийг [www.facebook.com/Universityofsocietyandpsychology](http://www.facebook.com/Universityofsocietyandpsychology) гэсэн фэйсбүүк линк болон <http://usp.mn> цахим хуудсанд байрлуулна.
- 1.5. Улаанбаатар хот болон бусад аймаг, хотоос оюутан элсүүлэх ажлыг цахим хэлбэрээр зохион байгуулна.
- 1.6. Журмын нэр, томъёоны тайлбар, тодорхойлолт:
  - 1.6.1. “Хяналтын тоо” - элсүүлэх оюутны тоог;
  - 1.6.2. “Бүртгүүлэгч” - элсэхээр хүсэлт гаргасан иргэнийг;
  - 1.6.3. “Элсэгч” - элсэлтийн хяналтын тоонд багтан элсэх эрхээ баталгаажуулсан бүртгүүлэгчийг;
  - 1.6.4. “Шилдэг элсэгч” - олон улс, улс, аймаг, дүүргийн хэмжээний Нийгмийн ухаан, Монгол хэл, Гадаад хэл, Математик, Мэдээлэл зүйн олимпиад, урлаг, спортын уралдаан, тэмцээнд амжилт гаргасан элсэгчийг;
  - 1.6.5. “Тэтгэлэг” - НССДС-аас нийгмийн хариуцлагын хүрээнд олгодог тодорхой болзол бүхий сургалтын төлбөрийн хөнгөлөлтийг;
  - 1.6.6. “Элсэлтийн систем” - сургуулийн элсэлтийн цахим бүртгэлийн системийг;
  - 1.6.7. “Элсэлтийн комисс” - элсэлтийн үйл ажиллагааг зохион байгуулахаар томилогдсон ажлын хэсгийг;
  - 1.6.8. “Мэргэжлийн хөтөлбөр” - Сургалтын тусгай зөвшөөрөлд заасан бакалаврын зэрэг олгох тухайн мэргэжлийн нэршил, хөтөлбөр
  - 1.6.9. “Үндсэн хөтөлбөр” - 4 жилийн хугацаанд өдрийн хэлбэрээр суралцуулах хөтөлбөрийг;
  - 1.6.10. “Цагийн хөтөлбөр” - 2-2,5 жилийн хугацаанд эчнээ болон онлайн хэлбэрээр суралцуулах хөтөлбөрийг тус тус ойлгоно.

**Хоёр. ЭЛСЭГЧДЭД ТАВИХ ШААРДЛАГА, ШАЛГУУР,**  
**БОСГО ОНОО**

- 2.1. Бүртгүүлэгч буюу элсэхийг хүсэгч нь энэхүү журмыг уншиж судалсан байх үүрэгтэй.
- 2.2. НССДС-д элсэхээр бүртгүүлэгч нь бүрэн дунд буюу түүнээс дээш боловсролтой байна.

- 2.3. НССДС-ийн үндсэн хөтөлбөрийн өдрийн ангид элсэхийг хүсэгч нь 2022 онд ЭЕШ өгч БҮТ-ийн батламж авсан, ЭЕШ-ын хичээлийн төрөл, оноо нь НССДС-д элсэх шаардлага, босго оноог /440/ хангасан байна. 2020, 2021 онд ЭЕШ өгсөн иргэн элсэх бол босго оноо 410 байна.
- 2.4. Бакалаврын дээд боловсролтой иргэн шалгалтгүйгээр цагийн хөтөлбөрөөр элсэн суралцаж болно.
- 2.5. НССДС-д элсэхийг хүссэн иргэн нь элсэлтийн цахим бүртгэлийн системд <http://usp.mn/burtgel> хаягаар нэвтэрч бүртгүүлсэн байна.
- 2.6. НССДС нь дараах шалгуур, босго оноог хангасан иргэнийг бакалаврын хөтөлбөрт элсүүлэн суралцуулна. Үүнд:

<b>ҮНДСЭН ХӨТӨЛБӨР /ӨДРИЙН АНГИ/</b>					
№	Мэргэжил	Шалгуур /ЭЕШ-ын хичээл/		Кредит цаг	Суралцах хугацаа
		Хичээл-1	Хичээл-2		
1	Сэтгэл судлал	Нийгмийн тухай мэдлэг	Монгол хэл, Математик, Гадаад хэл, Мэдээлэл зүй, Газар зүй, Монгол улсын түүх /аль нэгийг сонгох/	121	4 жил
2	Нийгмийн ажил	Нийгмийн тухай мэдлэг	Монгол хэл, Математик, Гадаад хэл, Биологи, Монгол улсын түүх /аль нэгийг сонгох/	120	4 жил
3	Багш, сургуулийн өмнөх боловсрол	Монгол хэл	Математик, Нийгмийн тухай мэдлэг, Биологи, Газар зүй, Монгол улсын түүх /аль нэгийг сонгох/	122	4 жил
4	Багш, бага ангийн боловсрол	Математик	Монгол хэл, Нийгмийн тухай мэдлэг, Биологи, Газар зүй, Монгол улсын түүх /аль нэгийг сонгох/	122	4 жил
5	Солонгос хэлний орчуулагч	Гадаад хэл /Англи, Орос/	Монгол хэл, Математик, Нийгмийн ухаан /аль нэгийг сонгох/	120	4 жил
<b>ЦАГИЙН ХӨТӨЛБӨР /ЭЧНЭЭ АНГИ/</b>					
Мэргэжил		Шалгуур		Кредит цаг	Суралцах хугацаа
1	Сэтгэл судлал	Бакалаврын дээд боловсролтой		80	2-2,5 жил
2	Нийгмийн ажил			82	
3	Багш, сургуулийн өмнөх боловсрол			92	

- 2.7. Үндсэн хөтөлбөрөөр өдрийн ангид элсэгчийн оноог тооцохдоо суурь шалгалтын /хичээл-1/ оноог дагалдах шалгалтын /хичээл-2/ онооны нийлбэрийг хоёрт хувааж гаргах бөгөөд 440, түүнээс дээш оноотой бол бүртгүүлэгчийг тус сургуульд элсэх болзол хангасан хэмээн үзэж Элсэлтийн комисс бүртгэлийг баталгаажуулна.

### **Гурав. ЭЛСЭХ ХҮСЭЛТ ГАРГАХ, БҮРТГҮҮЛЭХ, ГЭРЭЭ БАЙГУУЛАХ**

- 3.1 НССДС-д өдрийн хөтөлбөрт элсэх шалгуур, болзлыг хангасан элсэхийг хүсэгч нь 2 хэлбэрээр бүртгүүлж болно. Үүнд:
- 3.1.1. 2022 оны 6-р сарын 28-аас 7-р сарын 20-ны хооронд <http://usp.mn/burtgel> цахим хаягаар нэвтэрч бүртгүүлэх
- 3.1.2. 2022 оны 8-р сарын 01-30-ны хооронд өөрийн биеэр ирж бүртгүүлэх

- 3.2 НССДС-ийн өдрийн ангид элсэгч нь 2022 оны 8-р сарын 22-31-ны хооронд сургууль дээр ирж сургалтын мэдээллийн системд бүртгүүлж, суралцагчийн гэрээ хийнэ. Дурдсан хугацаанд гэрээ байгуулаагүй элсэгчийг бүртгэлээс хасна.
- 3.3 Элсэгч нь сургуульд дээр ирж гэрээ байгуулахдаа дараах баримт бичгүүдийг бүрдүүлсэн байна. Үүнд:
- 3.3.1. Өргөдөл
  - 3.3.2. ЭЕШ-ын батламж /эх хувь/;
  - 3.3.3. Бүрэн дунд боловсролын гэрчилгээ /эх хувь/;
  - 3.3.4. Сурагчийн хувийн хэрэг /эх хувь/;
  - 3.3.5. Иргэний үнэмлэх /эх хувь/;
- 3.4. Цагийн хөтөлбөрт эчнээ хэлбэрээр элсэхийг хүсэгчийг <http://usp.mn/burtgel> вэбхуудас, сургуулийн фейсбүүк пэйж хуудсаар 2022 оны 9-р сарын 01-20-нд /намрын улирал/, 2023 оны 2-р сарын 08-28-нд /хаврын улирал/ бүртгэнэ.
- 3.5. Элсэлтийн бүртгэлийн хураамжийн хэмжээ 5000 төгрөг /цагийн хөтөлбөрт элсэгч 10000 төг/ байна. Хураамжийг банкин дахь сургуулийн данс болон санхүүд бэлнээр тушааж болно. Бүртгэлийн хураамжийг буцаан олгохгүй.

#### **Дөрөв. СУРГАЛТЫН ТӨЛБӨРИЙН ТЭТГЭЛЭГ, ХӨНГӨЛӨЛТ**

- 4.1. НССДС-д элсэгч нь ЭЕШ өгсөн амжилтаараа эхний нэг жил сургалтын төлбөрийн хөнгөлөлт эдлэх эрхтэй.
- Үүнд:
- 500-599 оноотой бол 20%-ийн хөнгөлөлт;
  - 600-699 оноотой бол 40%-ийн хөнгөлөлт;
  - 700-759 оноотой бол 60%-ийн хөнгөлөлт.
  - 760-800 оноотой бол 100%-ийн хөнгөлөлт.
- 4.2. НССДС-ийн Шилдэг элсэгч нь эхний нэг жил сургалтын төлбөрийн хөнгөлөлт эдлэх эрхтэй.
- Үүнд:
- Аймаг, дүүргийн хэмжээнд олимпиад, урлаг, спортын уралдаан, тэмцээнд 1-3-р байрт шалгарсан амжилт үзүүлсэн бол 30%-ийн хөнгөлөлт;
  - Улсын хэмжээнд олимпиад, урлаг, спортын уралдаан, тэмцээнд 1-3-р байрт шалгарсан амжилт үзүүлсэн бол 50%-ийн хөнгөлөлт;
  - Олон улсын хэмжээнд олимпиад, урлаг, спортын уралдаан, тэмцээнд 1-3-р байрт шалгарсан амжилт үзүүлсэн бол 70%-ийн хөнгөлөлт.
- 4.3. НССДС-ийн оюутан нь сургуулийн “Одтой оюутан” хөтөлбөрт хамрагдаж 5 одны болзол хангасан тохиолдолд сургалтын төлбөрийн 50%-тай тэнцэх мөнгөн тэтгэлэгийг жил бүр, сургуулиа төгстөл авах боломжтой.

#### **Тав. ЭЛСЭЛТИЙН КОМИССЫН ҮЙЛ АЖИЛЛАГАА**

- 5.1. Элсэлтийн комисс нь элсэлтийн үед баримтлах хэм хэмжээ, дэг журам, комиссын гишүүдийн ажил үүргийн хувиарлалт, элсэлтийн үйл ажиллагааг зохион байгуулах, явцын хяналт тавих, элсэгчдийн өргөдөл, гомдлыг тухай бүрт шийдвэрлэх зэрэг асуудлыг хариуцна.
- 5.2. Элсэгч нь энэхүү журмын хэрэгжилт, сургуулийн Элсэлтийн комиссын үйл ажиллагаатай холбоотой санал, гомдлоо бичгээр гаргаж болно.

- 5.3. Элсэгч нь хяналтын тоонд багтсаны дараа өөрийн хүсэлтээр суралцахаас татгалзсан тохиолдолд сургалтын жилийн төлбөрийн 5 хувьтай тэнцэх төгрөгийг сургуулийн дансанд тушааж боловсролын бичиг баримтаа авч болно.
- 5.4. Тухайн жилийн элсэлтийн үйл ажиллагааны тайланг хичээлийн жилийн улирал бүрийн эхний 10 хоногт Элсэлтийн комисс бичгээр гаргаж тайлагнана.

**НИЙГЭМ, СЭТГЭЛ СУДЛАЛЫН ДЭЭД СУРГУУЛИЙН  
ЗАХИРГАА**

- Хаяг: Улаанбаатар хот. Баянгол дүүрэг. 25-р хороо, 16/4. НССДС  
/Хермис худалдааны төв, Материал импексийн хажууд/
- Вэбсайт: [usp.mn](http://usp.mn)
- Facebook хаяг: нийгэм, сэтгэл судлалын дээд сургууль
- Бүртгүүлэх холбоос: [usp.mn/burtgel](http://usp.mn/burtgel)
- Утас: 9609-2222, 9035-2222, 9065-2222, 11-362511